



Inatsisartuni ilaasortaq Kristian Jeremiassen, Inuit Ataqatigiit  
/Maani

## Tusassip illorsui pillugit § 37 naapertorlugu apeqquteqaammut 2024-198-imut akissut

Asasara Kristian Jeremiassen

Dato: 09-12-2024  
Sagsnr.: 2024 - 23476  
ID. nr. 95304714

Inatsisartut suleriaasianni § 37 naapertorlugu Tusassip illorsui pillugit Naalakkersuisunut apeqquteqaateqarputit. Apeqqutit/it uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl

### Apeqqut 1. Qasigiannguani Tusass-ip allaffeqarfua sooruna matuniartoq?

**Akissut:** Matumani § 37 naapertorlugu apeqqutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

*”Ukiuni kingullerni allakkanit nassiussanit isertitaasartut annikilleriaru-  
jussuarsimani pissutaalluni Tusassi illoqarfinni mikinerusuni  
suleqateqalernissaminut suliniuteqarnissaa pisariaqarsimavoq. Allakkanit  
nassiussanit isertitaasartut sukkasuumik suli annikilliarformata tamanna  
Tusass-ip allakkerivii imminut akilersinnaajunnaarnerinik kinguneqarpoq.  
Allakkat ikileriarujussuarnerinut digitalinn-gorsaaneq pingaarnertut  
pissutaavoq, tamannalu nunatsinni nunarsuarmilu tamarmi atuulluni.  
Pingaarnertut isertitat tassalu allakkat, digitaliserinngorsaaneq  
pissutigisaanik nunarsuaq tamakkerlugu allakkeriviit  
ilungersunartorsioreerlutik suli siunissami  
ilungersunartorsiornerulernissartik takorloorsinnaavaat. Suliassaq taanna  
imminut akilersinnaasunngortinniarlugu nutaamik eqqarsarnissamik  
pisariaqartitsisoqarpoq – pisariaqartinneqartumik nutaamik eqqarsarneq  
Kalaallit Nunaannut taamatullu aamma Tusass-imut pisariaqarluni.  
Tusass-ip niuertarfiutaa Qasigiannguaniittoq ingerlatsinermi  
amigartooruteqangaatsiarpoq, tassungalu ilanngullugu pisisartut isertartut  
amerlannginnerat, pisiniafiup imminut akilersinnaannginneranun  
patsisaavoq. Tusass-ip sulisorisimasami qulakkiikkamik  
suliffissaqaannarnissaat Tusass-ip qitiutillugu pingaartissimavaa  
nuannaarutigisaminnillu allagalerisut tamarmik Tusass-ip suleqatigisaani  
KNI-mi sulinertik ingerlatiinnarnissaat qulakkeersimallugit.  
Qasigiannguani Tusass-ip pisiniaartuinut sullissineq  
allanngornaviannigilaq, ammasarneq sivilisunerulissaaq, simkortit KNI-mi  
suli pisiarineqarsinnaassapput. Ajorseriaataasinnaasoq tassaavoq  
internetsikkut tunisassianik inniminniinermi, modem-it siusinnerusukkutut*

*ingerlaannaq tiguneqarsinnaajunnaarlutik Nuumminngaanniit nassiunneqartalertussaanerat".*

## **Apeqquut 2. Qasigianguani Tusass-ip illorsua qanoq pineqarniarpa?**

**Akissut:** Matumani § 37 naapertorlugu apeqquutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

*"Qasigianguani illorsuit B- normullit marluupput tassalu B-702 aammalu B-602.*

*B- 702 TUSASS-ip Sullissivia aamma 1. sal Eqqartuussivimmit – Kalaallit Nunaanni Eqqartuussiviit attartussavaa. Illu 436m2-iuvoq quleriinnut marlunnut avvissimasoq. Tusass-i eqqartuussivimmut attartortitsiniarnera taamatullu allaffimmik ataatsimik marlunnik pisariaqartitsinera pissutigalugu illup atorunnaarnissaa pilersaaruteqann-gikkallarpoq.*

*B- 603 – allakkeriviuvoq. Illu Tusass-ip pisariaqartikkunnaarpaa taamaamat suut tamarmik inisseriarpata illup tuniniarnissaa naatsorsuutigineqarluni."*

## **Apeqquut 3. Naalakkersuisut pilersaarsapat Tusass-ip illorsua atorlugu allamik sullissivimmik ammaanissamut?**

**Akissut:** Naalakkersuisut Qasigianguani sullissivimmik nutaamik pilersitsinissamik pilersaaruteqanngillat ilullu atorneqarnissaannut apeqquummut tunngatillugu suliffeqarfiup piginnittup akissutaanut innersuussillutik. Tassani "akuliutinnginnissamut tunngaviusoq" tunngavigineqarpoq Naalakkersuisut pissutsinut ingerlatseqatigiiffiit namminerisamik susassaqaftut isigineqarsinnaasunut ingerlatseqatigiiffinni Namminersorlutik Oqartussanit pigineqartuni ulluinnarni ingerlatsinermut akuliunneq ajormata.

## **Apeqquut 4. Qasigianguani Tusass-ip illorsuata atorneqarnisaanut pilersaarutit suuppat?**

**Akissut:** Apeqquut 2-mut akissutigineqartoq takoqquneqarpoq.

## **Apeqquut 5. Naalakkersuisut pilersaarpat Tusass-ip illorsua atorluarniarlugu Kommune Qeqertalik peqatigalugu suleqatingiissitamik pilersitsinissamut?**

**Akissut:** Naalakkersuisut nuna tamakkerlugu sumiiffinni annertunerusumik ineriartortitsinissamut periarfissat pillugit misissuineramik aallartitsinikuupput, tassanilu sumiiffiit isumalluarnartut aammalu ineriartortitsinermik pisariaqartitsisut immikkut ukkatarineqassallutik. Suliami tassani Qasigianguit aamma ilaatinneqassaaq.

Naalakkersuisut suliaq manna pillugu naatsorsuutigaat, pisortat, inuussutissarsiorlut sumiiffinnilu innuttaasut akuutinneqarneratigut nunatsinni isumalluutit pingaaruteqaqisut tamanut pitsaaquteqartumik ineriartortinnissaat qulakkeerneqar-sinnaasoq.

**Apeqquut 6: Nunatta sinnerani Tusass-ip allaffiinik allanik sunik pilersaaruteqartoqarpa? Tusass´-ip allaffii sineriammiittut qanoq pilersaaruteqarfigineqarpat?**


**Akissut:** Matumani § 37 naapertorlugu apeqquutigineqartut akiniarneranni tassunga atugassanik Tusass A/S-imit akissutissanik pissarsiniartoqarsimavoq, imaattunillu akissuteqarpoq:

*"Allakkat amerlassusaasa appararujussuarnerat taamatullu innuttaasut digitaliusumik nammineq sullinnissamut atuinerulernerat pissutigalugu illoqarfinni mikinerusuni suliffeqarfinnik allanik suleqateqalernissaq pisariaqalersissimavaa. Allakkerinermi suliassat, suliassallu allat Tusass-i niuertarfianni suliarineqartarsimasut annikillisinneqassapput piffissallu ingerlanerani unitsinneqarlutik. Taamaattumik illoqarfinni ataasiakkaani allakkeriviit Tusass-imit ingerlaavartumik nalilersoqqit-tariaqartassapput."*

Naalackersuisutut, allakkerinermi nalunaarasuartaateqarnermilu susasaqartutut akisussaaffeqartutut Tusass A/S ingerlaavartumik oqaloqatigaara. Tamatumunnga atatillugu aamma Tusass-ip pisiniarfii allakkeriviilu oqaloqatigaakka, allakkeriviit allanngortinneqassappata Tusass A/S-ip suleqatigiinnerit ilanngullugit eqqarsaatigisinnaagai erseqqissaatigalugu.

Neriuppunga qulaani allaqqasuni apeqquuteqaatitit akineqartut.

Inussiarnersumik inuulluaqqusillunga



Hans Peter Poulsen